



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XLI.

urn:nbn:de:hbz:466:1-11453

ANnus erat septimus & vicesimus post mille ducentos, cum iam terror Danici nominis obsoleceret, minusque timeri inciperet, ante victoriosus rex, posteaquam ab Henrico comite de Zwerino captus & redemptus esset, & iam semel ex regno detonsus, armis esset à Nordalbingis repressus: Cum interim ciues Lubicenses, iam se recogitantes pridem Imperio per Fridericum I. coniunctos, per annos iam XXV. seruissse Danis, viderentque Adolphum in Holsatia iugum eius reiecisse, & ipsi de sua libertate coeperunt intendere, mittentes ad Imperatorem iam Fridericum II. qui Imperiali culmini ostenderent, se non volentes esse per arma detractos Imperio, nunc ad eius subiectionem iterum adspirare: si modo protectione Imperiali securi, tutius manerent. Nihil grauatus Imperator, ad vnionem Imperij illos recepit, eximens à iure violento, quod nolentes subierant, armis illos precipiens suam tueri libertatem: scribensque vicinis praesidiis, ut pro Imperij honore, accederent eorum auxilio. Quibus apud Imperatorem impetratis, mox obseruantes tempora, arcem quam Lubica tenuere regij, ciues occupant, custodes precipitant, & apertam regi rebellionem moluntur. Rex euocato ex Transalbianis Ottone principe Brunsvicensi & Luneburgensi, ex sorore sibi nepote, ipse totius regni viribus in expeditionem venit: Mouit trans Eydoram in Holsatiam: nec segniores occurrerant archiepiscopus Bremensis Gerhardus, dux Saxoniae Albertus, Adolphus de Scowenborg & Holsatia, Henricus de Zwerino comites, domini que & wandalia proxima: quibus Lubicenses ciues omnia quae possent, arma coniunxerant. In regis autem agminibus erant Thietmarsius, qui comiti

comiti Adolpho clam fidem fecerāt, pugna feruescente,
se transituros ad eius signa. Ipso die Mariæ Magdalene
acie concurrunt in Bornehouede. Ferunt, aduersum so-
lem oculos Saxonum percussisse: Sed tum ciues Lubi-
censes votum concepisse super eius diei peragenda an-
nua solennitate celebriter, si vinceret: Apparuisse Mag-
dalenam inter nubila, & nubem opposuisse fulgenti so-
li. Pugnatum est acriter: & cum aliquandiū commu-
nis Mars sauiet, demum volitasse victoriam in partem
Saxonum. Rex cum filio vix elabitur: Otto dominus
Luneburgensis capitur: Dani qui cædi superfuerant,
fuga præsidium querunt. Captus Otto in vincula dedu-
citur: præda inter milites diuiditur: Adolpho Holsatia,
ciuibus Lubicensibus libertas prouenit ex victoria. In-
terim Albertus de Orlemunde comes, quem Henricus de
Zwerino victum tenebat, reddita arce Louenborg,
quam sui tenuerunt, liber euadit. ~~Arx Alberto duci~~ **II**
redditur, quam pater eius primus firmavit: vnde suc-
cessores eius tenent in hodiernum: Id erat mili-
tia stipendium duci: Nam captum Ot-
tonem Zwerinensis comes
suo lucro asseruabat.